



В.И. ЛЫТКИН

ПИПИЛЫСТЫ
СӨКӨЛ



В. И. ЛЫТКИН

(Илля Вась)



ИПИЛЫСТЫ

СӨКӨЛ



Коми книжнӧй
♦ ИЗДАТЕЛЬСТВО ♦
Сыктывкар 1965



Дона челядь! Уна кывбур ті лыддылінныйд Василий Ильич Лыткинлысь (Илля Васьлысь). Со тіян водзын «Пипилысты сөкөл» нима гижөд, кодос поэтыс тэчөма коми йозкостса мойдкыв серти. Лыддьöй гижөдсö, и ті аддзанныд, мый прөстöй йöзлы век любö вöлі смеллун, писькөслун, ыджыд мог вöсна тыш. Ті төдмаланныд, мыйта сьöкыдлун венісны Ныркаб, Йиркаб да Мизя, но век жö перйисны көс-йöмторнысö.

Му вылысь лөксö вештöм, бырөдöм — татшөм мөвпыс мойдыслөн.

ДЛЯ СТАРШЕГО И СРЕДНЕГО ШКОЛЬНОГО ВОЗРАСТА

Василий Ильич Лыткин

ЯСНЫЙ СОКОЛ

Сказка на коми языке

Обложка и титул М. П. Безносова


Рисунки В. Г. Игнатова

Редактор В. А. Попов

Техн. редактор И. И. Оплеснин

Сдано в набор 25|IV-65 г. Подписано к печати 7|VII-65 г. Формат 60×84¹/₁₆ = 0,75 бум. л. 1,5 печ. л. (Уч.-изд. л. 0,765+вкл. 0,32) Тираж 4400. Заказ № 1937. Ц01557. Цена 6 коп. Коми книжное издательство. Дом печати.

г. Сыктывкар, Республиканская типография Управления по печати



I

Коркө важөн сөдз ю бердын,
Гажа яг нөрысса эрдын,
Ог төд ылын али матын,
Гашкө-й коми муын татөн,
Аслас ичөтик голь позьяс
Оліс-выліс кыйсьысь гозья.
Налөн быдмис куим зон —
Сюсьысь-сюсь да ёнысь-ён.


Ыджыд воклөн нимыс Ныркаб.
Зумыд сійө — багатыр кодь.
Йиркаб нима шөркост вокыс,
Ур кодь тэрыб сылөн кокыс.
Мизя нима медічөтыс
Ладсө зар пөлянлысь төдіс:
Сыкөд оз босьт гажтөм нэм,
Сьорас зар пөлян кө эм.

Вой и лун кыйсьөмныс мунө,
Чөжсис прөмыс вель нин уна.

Прөмыс нуны өти арө
 Батьыс мөдөдчис со карө.
 Сійө пияныслы шуө:
 «Сьорсыым вузөс уна нуа;
 Карад быдторйыс өд эм,
 Кутшөм заказ вөчад мем?»
 «Ачыс сутшкысь шы мем вай тэ!»—
 Ыджыд вокыс батылы кайтө.
 «Вай мем лямпа — ачыс тюлысь,
 Мулысь-валысь веркөс нюлысь!»—
 Шөркост воклөн заказ тайө.
 Мизя шуө: «Вай тэ, айө,
 Пипилысты сөкөл мем —
 Сэтшөм кай пө көнкө эм!»
 Мунө старик, рөдтө вөлөн...
 Көч со тривкнитіс туй пөлөн.
 Старик кутіс көчөс эрдысь,
 Выя няньөн сійөс вердіс.
 Дзор ош пармаысь друг петіс,
 Старик сылы ид нянь сетіс.
 «Атьө тэныд, пөрысь морт!
 Öні миянлы тэ өрт!»
 Воис карө өти рытө,
 Ньөбис ачыс сутшкысь шытө,
 Ачыс тюлысь лямпа сюри...
 Корсис сөкөлтө бать бура:
 Гөгөр кытшлаліс став карсө,
 Коллис сэтöні джын арсө,
 Мудзис кокыс, висьмис юр —
 Сөкөл некытысь эз сюр.
 Старик муніс төдысь дорө —
 Ылө карсянь пемыд шорө,
 Көні сө арөса вөрыс
 Мурзө-равзө ош моз скөра.
 Петук чаль йылын сэн керка —







Мыйкө сюра-пеля зверь кодь,
Кильчө помас дзөрө пөч.
Нырыс конда ув кодь стөч.

Старик юасьö со, кылö,
Пипилысты сөкөл йылысь.
Пөчö шуö: «Кывлі-кывлі,
Сөкөл коркө овліс-вывліс
Войвыв муын парма весьтын,
Со-со вылын-вылын эстөн
Сылөн вөлі оланін.
(Пөчö лэптис вылө син).

Лэбзис сөкөл сэсся со öд
Саридз сайö кодкө воö.
Лэбзьöм ме адзылі сөмын:
Зарни бордсö шевгөдөмөн,
Шывгис сійö лунладорö,

Эзысь морös синтö ёрö:

Кадыс вöлі арся вой...

Кутшöм югыд вöлі, ой!

Тövпоз¹ вывті лэбис эсті.

Кодыр шывгис гöра весьттi,

Бордсьыс тыв сэк чукті, тюлі,

Биа ньöвйöн уси улö;

Лои усьöм-тюлöм сылөн

Буретш Тövпоз гöра вылö.

Югыд лои гöра йыв,

Кодыр уси сэтчö тыв.

Кöчöс вердiн — бур тэ вöчин:

Менам пи öд сийö кöчид,

А дзор ошкыс менам дедö.

Вöньöс сы пыдди тэд сета:

Усян ваö кöть тэ биö,

Мездас быд лекторйысь сийö.

Тövпоз вылö, кöни тыв,

Овмöдчöма Ёма ныв.

Пыдö гуалöма тывсö...

Мунöй, виöй Ёма нывсö!

Дзирыд тывборд босьтöй ордад,

Вежа видзиг¹ нуöй гортад,

Бура дöзьöритöй сийöс...

Тылыс дорö сөкөл мян

Коркö локтас, водз ли сёр...

Сэсся ог шу нинöмтор...»

Другысь пöчö пöри кöчö,

Тривк-тривк öшинь розьöд вöчис.

Сэсся ставыс воши, быри...

Гортас старикыд бырс пырис:

Тюлысь лампа öти киас,

¹ Тövпоз либö Тövпоз из — Войвыв Урал гö-
ралөн медыджыд изйыс.

² Вежа видзны — бурö пуктыны.



Мөднас шыбедь кутө сійө,
Сэсся нинөм абу скөнъ¹,
Коскас сълөн паськыд вөнъ.

II

Ныркаб радлө, шыөн лыйсьө,
Йиркаб лызьөн лун-лун кыйсьө,
Өтнас Мизя шогсьө, кылө,
Гора пөлян оз ворс сълөн.
Батыс сэки налы шуис:
«Ноко, зонъяс, петөй туйө!»

¹ Скөнъ — дзик.



Корсьой сөкөлыслысь тыв,
Видлөй Төвпоз излысь йыв!
Эм өд морөсаныд выныд,
Выим лямпа, емдон¹ шыныд,
Шемөс вөньюс нөшта сета.
Сьөкыд туйө повтөг петөй!
Мунөй сэтчө асыввылө
Джуджыд Төвпоз гөра йылө!
Ветлөй тывла куим вок...
Сийө ачыс өд оз лок!»

Туйө петисны со вокъяс,
Смела тувчалөны кокъяс.
Бөрө коли сизим керөс,
Уна виисны нин зверөс,
Вөрө пырисны нин пыдө...
Некөн Төвпоз из оз тыдав.
Гөгөр сөмын парма вөр,
Зверлөн равзөм кылө скөр.

¹ Емдон — сталь, стальной.

Ёма быд ног мунём торкө,
Орччөн накөд лэбө-шпоргө,
Туйсө тупкыны пыр зильө.
Со тай пыртис тшем сук тилльө.
Бөнъ сэк Мизя кыскис зептысь,
Муртса кисө сийө лэптіс —
Тилльыд воши, быри друг;
Воссис водзаныс веж луг.


Паськыд туй сэн веж видз вомён,
Некытөн оз тыдав помыс.
Видзөдоны — керка сэтөн,
Мича нывка паныд петө.
«Локтөй шойччөй! — шуө нылыд. —
Зэв ми радось туй йөз вылад!»
Вокъяс узъмөдчисны сэн.
Ужын вөлі — рушку дзен!



Асыв воис. Петö шонді.
Кокъяс кöдзыдысла ёнтö.
Вокъяс восьталісны синсö,
Видзöдöны узянінсö:
Нинём абу — öтка пипу,
Пипу бердын ваймём бипур.
Чистö поле гөгөр скöнь,
Кватитчисны — абу вöнь.

III

Вокъяс, водзö шогсигтырйи,
Мöдöдчисны яг выв кырйöд.
Вöлі гожём шөр на кадыс.





Другысь гөгөр воши ладыс:
Лэдзис Ёма төв да пурга,
Лымйыс гартчө, лёкысь жургө.
Лои сажень судта лым:
Муртса тыдыштө синкым.

Паськыд вöня эстөн ылын
Ёма йöктö тола вылын.
«Мед оз чиктыв,— Ныркаб шуис,—
Шемöс вöньнымöс кө гуис.
Вай ми тюлысь лямпа видлам,
Сийöс асывланьö витлам!»
И вот сэки куим вок
Лямпа вылö пунктис кок.

Шуньгис-лэбис төв ныр этшөн
Шемöс лямпа (дивö сэтшöм!),
Нуис öтарö пыр öддзиг
Төвпоз гөра горулөдз дзик.

Сэтөн лымйыс другысь сылі.
Джуджыд Төвпоз гөра вылө
Нимкодясьö куим вок.
Тувччө тэрыбджыка кок.

Кайны сэтчө абу кокныд,
Көть и зумыд налөн кокныс,
Изйысь изйö, вутшкысь вутшкө
Кавшасигөн китö сутшкө,
Чашйö паськөм, коктö пурö —
Разнöй шашара¹ сэн дурö...
Войтыр вунöдöма ун:
Водзö кайö вой и лун.

Ёма тшöктö вöньлы скöра
Зырны кайысь йöзöс бөрö,
Вөнъ оз кывзы, Ёма ёрсьö,
Быгыль багатырöс корсьö,
Коді оліс гөра вылын.
Юрыс керка ыжда сылөн,
Абу туша, кок ни ки,
Синсьыс сьвкйö чард кодъ би.

Вомсьыс пызйö биа öгыр,
Несьяс — тшынөн тырö гөгөр.
Юрыс ставнас биа изйысь.
Кодыр мунö — гримгö-ризйö.
Сэки Быгыльöс чой нылыд
Ыстис Ёма вокъяс вылө.
Лэччö gryмакылö скач —
Вокъяс вылө локтö нач.

Ныркаб лыйис кымöс лыас —
Сылөн сьвк-пазаліс шыыс.
Быгыль лэччö gryмакылö,
Веськөдчöма вокъяс вылө.
И вот лязöдіс кык вокöс.

¹ Ш а ш а р а — чуткасьысь кос пуяс, кодъяслөн увъ-
ясыс паськалöмаёсь.

— Мизя вöлі этша бокин —
Улас Быгыльлы эз сюр,
Ловйöн коли сылөн юр.

IV

Пышйис Мизя, ог төд, дыр-ö.
Корсьö Пера багатырöс.
Оз төд, көнi сийö олö,
Мунны кодарланьö колö.
Шога пуксис нöрыс йылö
(Кытөн мелі лун төв сьыліс,
Асья шондi мойдiс мойд)
Мудзöм кок шойчöдны войт.
Збодер Мизя питшöг восьтiс,
Заргум пöлян киас босьтiс,
Муртса инмöдiс вом дорас —
Пöлян тутöстiс сё горөн.
Колипкай моз сийö сьыліс,
Мыла ворсöм ылö кыліс.
Ворсöм шыад локтiс көч,
Сувтiс Мизя дорö стöч.

Тривкъялö оз öшйы инас:
«Мунам мекöд Пера дiнад!»
Ог төд, регыдөн-ö дырөн
Сюри Пера багатырыд:
Буретш сийö локтiс гортас,
Вайö пысалöмөн ордас
Шыыс йылын сизим ош.
Шыыс — быттьökö ён потш.

Мизя копытчылiс улö —
Быттьö помöль ниа пулы,
Ассьыс висьталiс сэк шогсö:

Виисны пö кыкнан воксö.
Быгыль багатыр пö сэни...
Сийö мянös пö венис...
Пера эз думайт зэв дыр:
«Инды, көни багатыр!»

Лэдзис пельпом вылысь прöмыс:
Сизим ош вöд вöли сöмын!
Орччөн муноны веж ягöд:
Мизя бытгö ичöt кага.
Коркö сэсся рытын сёрөн
Воис Тövпоз излөн горув,
Сэтөн Быгыль багатыр
Шкоргö — чургödöма ныр.

Пестер ыджда пежлөн сылөн
Йög кайöма кымös вылас:
Тюлысь шы инмöма сэтчö.
Вомсьыс дуллыс шорөн лэччö,
Узьö тош вылас ён йöра,
Юр чук йылас көин дзөрö.
Пеляс поздысьöма ур,
Муртса тыдыштö руд юр.

Аддзис Быгыльтö кор Пера,
Вак-вак петис сылөн серам.
Быгыль садьмис, несйис скöра —
Зверьяс скач пышйисны вөрö.
Синсьыс би сявкнитис гөгөр,
Вомсьыс пызйис биа öгыр,
Нырсьыс лэдзис еджыд тшын,
Гөгөр сулалис лёк зын¹.

Кодыр Быгыль ымзис-лөвтис,
Пера сылань шысö чөвтис.
Шыыс Пераыдлөн инмас
Буретш Быгыльыдлы синмас:
Дугдис сявкйыны би киньыд.

¹ Зын — дук.

Пера кыз паличнас пиняс
Кучкис Быгыльдылы сэк —
Пиньыс разьяс быттьо шег.

Биа öгыр Быгыль вомысь
Гуль-голь киссяс ставыс помöдз.
Быгыль век на косьö пырö,
Грымгö-локтö, ставсö нырö.
Пера тувччис Быгыль динö,
Зургас сылы шуйга кинас —
Тутас Быгыль багатыр
Гöра паныд быттьо шыр.

Быгыль бара лэччö-нырö.
Чужьяс Пера сылы нырас —
Сэки Быгыль гöра джынйöдз
Грыма-йиркакылиг тшынъяс.
Сэссия Пера вылö бара
Быгыль уськöдчас зэв яра.
Муö палич Пера жбут,
Вöли паличлы вит пуд.

Пырис сыв судтаö муö
Палич сылөн быттьо гуö.
Кыкнан кинас сэк шымыртö
Сийö Быгыль багатыртö,
Сэссия кыз тай чöвтас вылö
Джуджыд Тöвпоз изйыд йылö —
Быгыль жугалö пуз-паз,
Сöмын би кинь сявкнитлас.

Шöри потö Тöвпоз изйыс,
Ёма петö сэтысь, ризйö.
Мизя чап кватитис сийöс,
Юрси пратьсö босьтас киас,
Вөнсьö пöрччас Ёма вылысь,
Мырдяс нöйтiгтырйи сылысь...
Кыкнан воклөн сюри шой,
Сийöс корсисны дзонь вой.

Шогсьö Мизя шойяс дорын:
 Кодлысь сэсся отсөг коран?
 Со тай ош варгыльтö-локтö —
 Сылысь казялöма шогтö:
 «Мунам лов зельяла! Кылан?
 Туис босьт да пуксьы вылам!»
 Мөдөдчисны. Воис кыр,
 А кыр улас ыджыд мыр.

Мырйыд ошлы вужнас шедіс,
 Дзулькйөн мыр увсьыс ва петіс...
 Мизя туисö ва лөдіс,
 Сэсся ош вылын бөр мөдіс.
 Вот и найö вокъяс бердын
 Джуджыд из гөра ув эрдын,
 Көні Пера коллис вой,
 Видзис кык вокыдлысь шой.



Мизя босьтис зелля туис,
 Пызйис:—«Чеччөй, вокьяс!»— шуис.
 Вокьяс звирк чеччисны сылөн,
 Горөдисны: «Олан-вылан!»
 Накөд орччөн лампа сэтөн,
 Дзик выль шыбедь кыськө петөм.
 Ассьыс синсө тилигтыр
 Шуө Ныркаб: «Узьсис дыр!»
 Ыджыд аттьө шемөс мортлы
 Висьталісны Пера ёртлы.
 Сэки ньөжйөникөн гортас
 Муніс Пера ай-мам ордас:
 Вужнас пөрласис вөр пуыс,
 Кок улас лайкъяліс муыс.
 Куим вокыд шензигтыр
 Пера вылө дзоргис дыр!
 А сэк кості Мизя кыысь
 Ёма-д мынтысьөма: сійө
 Лэбө-пышйөдө со туис...
 Сійөс Ныркаблөн шы суис...
 Уси Ёма, лолыс петө...
 Пежыд медбөрья шы сетө:
 «Мед жө лоас, мед жө... ой...
 Став му пасьятыс съөд вой!»
 Лун шөр лунө артмис шемөс:
 Лои му вылын сап пемыд,
 Кусі шонді, воши төлысь.
 Гөбөч гуын кодь дзик вөлі!
 Сөмын муртса-муртса тывсянь
 Югөр локтіс гөра вывсянь.
 Пурга кыптіс: син ни пель,
 Көться¹ синмад сутшкы жель.

¹ Көться — көть сэсся.

Кыдзкө-мыйкө куим вокыд
 Кималасөн бау кокөн
 Кавшасисны гөра йылөдз,
 Көні куйліс дзирыд тылыд.
 Кодыр тывборд налы сюри,
 Сэки вежавидзиг, бура
 Вөнһөн төбис ыджыд вок:
 Эз ло дзирыд сылөн бок.

Көть и пемыд вөлі войыс,
 Сьөлөм вылас долыд лоис!
 Вокьяс сувтісны лызь вылө,
 Гортлань мөдөдчисны ылө,
 Ачыс тюлысь лямпа вына —
 Шуньгө-вундө пемыд сынөд,



Аддзö лэбны шыльыдін,
Кöть и абу сылөн син.

Лямпa шуныгö — швичкö-ссылö —
Гöра йывсянь керöс йылö,
Кымөр увсянь кунөр улö
Рытиввылö кутш моз тюзö,
Куим вокöс вайö гортас
Важөн кольём бать-мам ордас.
Со и налөн чужан сикт
Матын тыдалö нин дзик.

Сиктыс эськö со тай тани...
Эз пет некод сиктын паныд.
Видзöдöны: öти пöчö
Мыйкö сартас биён вöчö.
Сэсся ставыс сэтөн узьö —
Джоджö нюжöдчöма кузя.
Некөн оз кыв кань ни пон,
Ставсö личкöма кыз он.

Шуис сэки пöрысь пöчö
(Киыс дзөрö, ачыс жöдзö):
«Тi нö, бур йöз, кытысь локтад?
Кодъяс асьныд, ме тай ог тöд?
Тан со куим во нин пемыд...
Лоö тадз, тыдалö, нэмыс.
Ставнас онмовсис нин сикт.
Эг на онмовсь öтнам дзик».

Босьтiс Мизя зелля туис,
Пызйис ставсö, «Садьмöй!» шуис:
Ставыс садьмис, ставыс чеччис,
Пöлать-паччөръясысь лэччис.
Батьыс радлö, мамыс кутлö...
Помыс-дорыс абу шудлы!
Эз на шылясь дзикöдз дой:
Сиктын век на пемыд вой.

Сэсса керка вылө айыс
Ачыс ньөжйөнникөн кайис,
Вөчис пызан мича козйысь,
Эзысь кудйö, зарни дозйö
Пызан вылө тывборд пуктіс,
Алөй шөвкөн вевтгис-тупкис,
Куйлө сәні дзирыд борд:
Гажаинын сылөн горт.

Со тай өтчыд пемыд войыс
Этша югыдджык друг лоис:
Паськыд съод небеса вывті
Пипилысты сөкөл кывтіс —
Бордйыс зарни, морөс эзысь,
Дзирыд югыд кисьтө-резө.
Асья кыа ломзьö дон.
Ловъя ловлөн воши он.

Вына борд шы ылі гым моз
Сөкөлыдлөн шургө-зымгө,
Сиктын шензьö чуймөм йөзыс.
Сөкөл чиліс енэж лөзын:
Вылын кытшлаліс со сәні,
Кыа пемыдөс көн веніс,
Сөмын муланьö эз лок
И эз бырөд йөзлысь шог.

Йөзыс му пасьтала шызис:
Лача¹ морт сьөлөмын гызис!
Сувтіс войтыр чөла-шаня,
Синсө лэптіс енэжланьö,
Кевмө, сьөлөмсяньыс корө:
«Лэччы, сөкөл, миян дорө!»
Шензян пөтка, шемөс ань
Оз сибөдчы муывлань.

Век на еньюгыдыс рөмыд,

¹ Л а ч а — надея.





Муртса кыа петө сөмын.
Кевмө войтыр лун-мөд-коймөд,
Быд сөн мудзөмысла доймө.
Сөкөл век на мусянь ылын,
Оз пет шондi асыввылын,
Көть и енэж ставнас сэзь.
Йөзлөн кевмөм лои весь.

Кайис войтыр сикт шөр эрдө,
Нөрыс йылө потшөс бердө.
Войтыр пөвстын вокъяс сэтөн.
Мизя йөз коластысь петө,
Коз мыр вылө, войтыр пиө,
Пуксьө ньөжйөнникөн сийө
(Пөлян эм питшөгас бур)
Вывлань лэптис сийө юр.

Питшөг ассьыс Мизя восьтис,
Заргум пөлян киас босьтис.
И вот юрөбтис сэк шыыс
Саридзвывса гулыд гыөн —
Шлывгис морт сьөлөмө юсьөн...
Кывзис муыс-ваыс гусьөн
Гора мойдлысь мыла гор,
Мыла горлысь эзысь шор.

Мича горөн ворсө Мизя,
Чуньыс йөктө пөлян кизьөд.
Муыс ланьтис, ваыс чөліс:
Ворсөм сэтшөм лөсьыд вөлі!
Дыр на ворсис сийө сідзи...
Кайлы сьөлөмөдзыс сидзис:
Лои (аддзис кевмысь йөз)
Сөдздзык енэжыслөн лөз.

Гора юрөбтис друг сьылөм
Пипилысты сөкөл йылысь:
«Югыд шондi сөкөл миян,
Тэныд сьылөмнымөс сям!



Йӱзлысь он мӱй аддзы шогсӱ?
Вешты му вылысь тӱ лӱксӱ!
Синтӱ чӱвтлы миянлань!
Лӱччы татчӱ, мелӱ ань!»

Дыр на юргис йӱзлӱн сьылӱм,
Горыс му пасьтала кылис.
Сӱкӱл ныр веськӱдис улӱ,
Кутис матыстчыны мулань.
Сӱсся лӱччис пӱшти дзыкӱдз
Да и пуксис керка сигӱ,
Дзырыд морӱс восьтис жан —
Сиктлӱн вежсис чужӱмбан.

VII

Другысь шог да пемыд кулі:
Сиктö воис гажа тулыс,
Везйыс жугыльлунлөн ори,
Эжа вылын нюмдіс дзоридз.
Муыс-ваыс ставнас ловзис,
Олөм пемыдлунлөн овсис,
Пуксис сиктö тувсов лун,
Вешйис бокö сьökыд ун.

Ворсö му выв. Шензьö войтыр,
Сьөлөм нимкодълунөн ойдіс,
Долыда лолыштіс морös,
Сыланкывлөн вежсис горыс,
Гажмис зар пöлянлөн гласыс:
Югыд сиктын, гулыд расын
Юргис кыпыд сыланкыв,
Ловзис-шызис нöрыс йыв.



Войтыр юргис, войтыр сьыліс,
Син эз лэдзлы сөкөл вылысь,
Коді керка сигын пукис
Тувсов шондисьыс на югыд.
Сэсся... другысь йөз юр вомөн
Жбыркнитіс кызд кильчө помө,
Да и пуксис сэтчө шлыв —
Лои мича-мича ныв.

Сэсся локтіс шемөс аныд
Ньөжйөнникөн Мизяланьө,
Меліа видзөдліс вылас,
Еджыд кисө сетіс сылы.
Мизя первой шай-паймуні,
Сэсся чуймөм сылөн вуні,
Өзйис сьөлөм шөрас би,
Нывлысь топөдыштліс ки.

Пырысь-пыр жө лои көлысь¹.
Ставнас пируйтіс сэн вөлөсьт.
Ягын нюмъяліс вөр пуыс,
Гөгөр нимкодясис муыс,
Сьыліс колип парма вөрын,
Радліс шонді енэж шөрын.
Мортлөн дзулькйөн пуис вир.
Татшөм гажа вөлі пир!

1958—1964

¹ Көлысь — свадьба.



6 коп.

КОМИ КНИЖНОЙ ИЗДАТЕЛЬСТВО · 1965